

CHINESE-JAPANESE COLLECTION  
HARVARD COLLEGE LIBRARY  
FROM HARVARD-YENCHING INSTITUTE  
MAR 23 1932

5

CHL 3145/267.83



信陽州志卷之八

人物志

天地之正氣攸鍾寥寥不可多得或曠世而一見  
或數仟伯輩而一見我申澗水流長賢峰聳麗不  
惟功垂青史卓然不磨固皆後先輝映卽德立岩  
阿孤芳自振亦代不乏人至於巾幗名媛或捐身  
殉夫或孝姑存祀亦足以光泉壤而禪名教若夫  
賢哲來遊遯跡山林均當表列以垂永久志人物

忠義

哈佛大學  
哈佛燕京  
圖書館  
珍藏印



春秋

彭仲爽申人仕楚為令尹孫權謂潘濬曰彭仲爽申  
俘也楚文王以為令尹

漢

范滂字孟博汝南人少厲清節為州里所服時冀州  
饑荒盜賊羣起乃以滂為清詔使按察之滂登車  
攬轡慨然有澄清天下之志及至州境守令自知  
賊汚望風解印綬去其所舉奏莫不厭塞眾議後  
坐黨事繫獄獄吏謂曰凡坐繫者皆祭臯陶滂曰

臯陶古之直臣知滂非將理之於帝如其有

祭之何益王甫詰曰君為入臣不忠共造部黨  
論朝廷虛構無端並欲何為滂對曰臣聞仲尼之  
言見善如不及見惡如探湯欲使善善同其清惡  
惡同其污謂王政之所願聞不悟更以為黨乃懷  
慨仰天曰古之修善自求多福今之修善身陷大  
戮身死之日願埋滂於首陽山側上不負皇天下  
不愧夷齊甫愍然為之改容

後漢



劉南和名邕義陽人隨先主入蜀益州既定爲沅陽太守建興中稍遷至監軍後將軍賜爵關內侯卒子式嗣少子武有文與樊建齊名官亦至尙書

傅彤義陽人仕漢爲將軍章武初從昭烈帝征吳敗於猯亭彤爲後殿兵衆盡死彤氣益烈吳人使降彤罵曰吳狗安有漢將軍而降者遂死於戰

傅僉彤之子以彤死節拜爲左中郎景耀末爲陽安關守將魏鍾會督兵至漢中使護軍胡烈攻關口僉拒守其下蔣舒率衆迎降烈乘虛襲城僉格關

而死

魏延字文長義陽人以部曲隨先主入蜀數有戰功遷牙門將軍先主爲漢中王遷治成都當得重將以鎮漢川衆論以爲必在張飛飛亦以心自許昭烈乃拔延爲督漢中鎮遠將軍領漢中太守一軍盡驚昭烈大會羣臣問延曰今委卿以重任卿居之欲云何延對曰若曹操舉天下而來請爲大王拒之偏將十萬之衆至請爲大王吞之衆咸壯其言建興元年封都亭侯丞相諸葛亮駐漢中以延



為督前部領司馬涼州刺史八年與魏將費瑀郭  
淮戰於陽谿大破淮等遷為前軍師征西大將軍  
假節進封南鄭侯延每隨亮出輒欲請兵萬人與  
亮異道會於潼關如韓信故事亮制而不許延嘗  
謂亮為怯嘆憾已才用之不盡

晉

朱序字次倫義陽平氏人世為名將寧康初拜梁州  
刺史鎮襄陽累敗苻堅都護李伯護密與賊應遂  
陷沒堅以為尚書太元中苻堅南侵遣序說

序反謂石曰若堅百萬之眾悉到莫可與敵及其  
未會擊之可以得志於是石遣謝琰選勇士八千  
人涉淝水挑戰堅眾小却序時在軍後呼曰堅敗  
眾遂大奔序乃得歸拜龍驤將軍後累功贈左將  
軍散騎常侍

宋

朱修之字恭祖序之孫也元嘉中戍滑臺魏將安頡  
攻圍糧盡城陷太武嘉其固守之節以為雲中鎮  
將妻以宗室女修之潛謀南歸妻疑之每流涕謂



曰觀君無停意何不實以告我義不相負修之深嘉其義而不告也後脫身至東萊遂以爲黃門侍郎累遷雍州刺史政在寬簡士庶悅附及南郡王義宣反檄修之舉兵雍土時饑修之僞與之同遣使陳情於孝武孝武嘉之以爲荊州刺史加都督率衆攻江陵竺超已執義宣修之至於獄殺之以功封南昌縣侯修之立身清約百城貺贈一無所受唯以蠻人宜存撫納有餉皆受得輒與佐史賸之未嘗入己去鎮之日秋毫無犯後拜左

書加特進金紫光祿大夫卒諡貞侯

梁

張惠紹字德繼義陽人少有武幹齊明帝時爲直閣義師起歸梁高祖累有戰功高祖踐祚封石陽縣侯遷驍騎將軍時東昏餘黨作亂惠紹馳赴斬首數十級賊乃散走以功遷太子右衛率天監四年大舉北伐惠紹執城主馬成龍送京師六年魏軍攻鍾離惠紹與馮道根等攻斷魏連橋魏軍大潰以功爲持節都督冠軍將軍入爲衛尉卿出爲持



節都督司州諸軍事兼刺史領安陸太守在州和  
理吏民親愛之徵還爲左衛將軍加通直散騎常  
侍卒諡曰忠

唐

胡元範申州人武后時爲鳳閣侍郎救裴炎貶死瓊  
州史稱廉介有才

明

張琪字唯潤元季寧國人濠梁起義弟道應募屢立  
戰功授千戶琪獨不求仕洪武元年舉賢良除明

州知府改建解州作興學校躬率甲士平海寇有  
功授階亞中大夫力請致仕徙籍信陽泉石自適  
足跡不及城市

孫顯洪武丁卯舉人卒業國子監太祖臨幸說書稱  
旨授工科給事中累陞工部尙書丁外艱廬墓三  
載鄉里推重之上嘗御闕樓睹欄楯上有紅光閃  
爍令人跡之則顯衣緋袍督役由此忌之會廷諍  
忤旨杖四十謫戍雲南密籍其家止水牛一條茅  
屋數間使者還報上嘉嘆召復原職至中途卒於



是復子八十金勅有司營葬事

葉清字源潔爲監察御史平允持正陞山西僉事景泰庚午賊入犯以清總偏頭關事時兵少賊強清募敢死士萬餘人與都督杜忠議曰朝廷厚養爾輩正爲今日予本書生願與圖報忠率驍騎於前清統勁卒於後與賊戰大破之捷聞陞參議尋轉副使卒於官

高鑑字克明信陽人武選司主事崇王之國汝寧請置守備大司馬難其事鑑曰是無難也卽移信陽

守備於汝寧朝議稱便尋以事忤中貴人逮謫遠通判遮河夷相讐殺督府檄鑑往輯之不服鑑夜徙居他山供帳如故遲明則臥榻已碎矣鑑從容束帶出帳中議事羣夷神之皆叩首服遷鎮江同知夔州知府致仕鑑體貌修偉才器磊落善談辨曉音律詩書圖畫自成一家日本使臣見之歎服鑑負公輔之器不究其用至今惜之軼號鐵溪先生

馮鎬字大京成化間刑部主事晉湖廣兵備平柳桂



諸處洞苗上嘉其功賜身繡二襲白金二錠巡撫  
畿南值逆瑾擅權諷鎬求授鎬曰此官可奪此節  
不可喪遂解綬歸出賜金置義田贍貧族置祭田  
備蒸嘗都御史唐公順之碑其事

張雲字季升襄陵知縣有惠政進給事中論逆瑾擅  
權下獄瑾敗獲免泣諫南幸上以忠懇不罪後以  
都御史提督遼東功績尤偉歷戶部尚書致仕淳  
雅範俗絕跡公庭卒年七十有八賜祭塋贈太子  
少保

何景明字仲默六歲能詩以神童稱隨父之臨洮

臨洮守李公紀奇其才授以春秋卽善說春秋歸

復授尚書於兄景韶尋以尚書舉第二人時年十

五諸王公大人爭迎致一見所過觀者如堵壬戌

成進士授中書舍人與李慶陽邊貢薛惠輩攻古

文辭振起大雅尚氣節鄙榮利並有國士之風海

內皆宗尚之稱曰何李屹然爲一代山斗逆瑾用

事景明移書許襄毅言大臣宜操正義以抑瑾權

瑾聞而銜之謝病歸竟坐免官瑾誅以文正李公



薦復職及憂陽下江西獄又移書楊太宰爭之始  
得白乾清宮災應詔陳時政詆番僧義子語多激  
切舉朝危之錢寧欲交驩持古畫求題待命終歲  
卒不予一字師御史客死京邸廖鵬贈以棺景明  
叱却曰吾友生不苟受奚爲受污地下耶遂自出  
金贖之晉吏部員外陝西提學副使以經術世務  
教諸生士習文體爲之一變以病請告特旨病癒  
起用學使致仕起用自景明始歸日宦囊不滿三  
十金抵舍六日卒年三十九景明於學無所不究

天文地理律呂曆數陰陽醫卜諸家各造其妙而  
天才俊逸意匠圓融藝苑千秋斯爲獨步顧華玉  
稱其咳唾珠璣人倫之雋王元美以爲朝霞點水  
芙蓉試風其推尊可謂至矣自幼謙退未嘗以才  
凌人及論國家當否則蹈厲憤發有萬人獨往之  
氣道弗合者雖隆貴人忍不與見至道稅士卽貧  
賤衰老尤折節下之沒齒未嘗一問家產居喪不  
及禫不酒不琴使滇南不持一物歸攷其行誼固  
蔚然醇儒不獨以詞章名世而已州故有祠汝寧



太守徐公中行又立祠於府城北漆雕祠旁世稱  
大復先生

何景暘字仲升景明兄安慶通判時宸濠犯安慶景  
暘領兵捍禦勞績居多賊平賜璽書褒賞陞右軍  
都督府經歷進階光祿寺少卿

孟洋字望之信陽人行人選御史迎父養京邸時權  
奸在位洋將彈之其父曰言必得罪叵測盍歸與  
爾啖壘乎洋曰兒被罪歸一同啖壘未晚也父笑  
曰此爾職吾不汝禁也書上劾張聰桂萼諸不法

事果卽禁獄謫桂林教授稍遷汶上知縣嘉興同  
知陞湖廣僉事持憲專斷不能阿人意有小拂卽  
日引疾去嘗與何仲默書言不宜歸者三不能仕  
者七嘉靖初起山東轉叅議陝西叅政陞右僉都  
御史巡撫寧夏尋改提督糧儲聞孫太恭人疾解  
印馳歸或以職守難之洋曰吾方寸亂矣尙能領  
其他哉會總理河道之命方下值恩賜封躬捧冠  
被母服之甫月餘而歿人皆頌其孝云復起爲南  
大理寺卿才至五十日而卒貧無以殮僚友醵金



賻之賜葬東郭外配恭人何氏卽仲默女兄洋爲行人時與仲默崔子鍾田勒甫輩揚摧風雅稱十才子所著見藝文

馬錄字君卿爲固安知縣父瑀通判武昌經固安誠之日令職字民取譽於上而民弗拊是日民賊惟公惟廉惟汝永念錄再拜受教在固安延父老問疾苦廉明淳信士民悅服踰年有冀寇襲破固安錄被執寇見臥內無長物乃賢而釋之獨縱去獄囚去囚曰我輩罪宜死幸無竄以累吾慈父復相

率詣獄徵拜監察御史督理山東馬政宿弊盡革

以內艱歸僉憲閻公剛介寡合獨時往候錄見馬

羸甚以俸易稍良者餽之錄以五不敢當辭閻公

嘆曰古稱一介不取君卿近之矣起按南畿時嘉

靖初遣使捕高唐官屬連坐五百餘人中外大駭

錄上疏諫曰先帝時動差錦衣官校四出提人天

下沟沟幾壞國事幸賴陛下登極法除舊弊人始

安堵不意復有高唐之命人情且驚且疑當此新

政之初恐非所宜癸未巡按陝西丐吏聞風遁去



辨冤振滯關內大治旋以疾家姑時信陽苦河夫  
之役歲倍納銀重爲民蠹特奏免之困始少舒巡  
按山西妖人李福達事覺錄捕抵法初福達以丹  
術干武定侯郭勛勛奇之相與頗密及被繫勛移  
書請贖錄大怒劾勛庇奸亂法勛惶懼入辨謂錄  
置一家無罪人於死上震怒逮錄下錦衣獄且廷  
鞫錄被三木但曰臣殺妖人爲宗社計陛下明前  
日月察臣孤忠臣死無憾上疑以爲三法司於是  
刑部尚書顏頤壽都御史劉文升文升知湯沐等

會鞫如錄擬給事中王科等御史高世魁等二十  
五人各又奏論勛先後十餘疏上令干門外更訊  
頤壽仍執前詞上曰侯朕親鞫於廷揚一清以黜  
宸不親獄訟乃已仍會訊之頤壽等改擬福達造  
妖言律上怒乃命張璠攝都察院桂萼攝刑部方  
獻夫攝大理寺訊於闕廷萼等私議曰聖明偶爲  
近習蔽不急救致有殺直臣名乃委曲其奏而輔  
臣有爲錄地者從容言馬錄罪大當誅腐儒狗彘  
一死未足爲快不若投諸遠瘴於是錄與李璋徐



文華劉琦程啟充盧瓊李珏章綸等坐故火俱謫  
戍頤壽文莊沐與侍郎劉玉等坐推按不實俱落  
職王科與聶賢秦佑等坐挾私彈劾俱編氓福達  
釋歸勛置不問既而上諭楊一清等曰馬錄首事  
害人罪有所歸與其僂及後世不若誅及其身以  
從舜典罰弗及嗣之意一清曰錄無當死之罪律  
無可擬之條不宜法外用刑錄既戍南丹講學授  
徒從之者如雲歷十七年以疾終年六十有八穆  
廟登極追贈光祿寺少卿

戴冠字仲鵬正德戊辰進士授戶部主事會上誅

瑾沒其財產貯之豹房而錦衣官屬監局匠役皆  
坐食糜費宣大陝西邊餉告急冠上疏甚激切上  
大怒謫廣東烏石驛郵丞舟行直海賊擊墮水舟  
子提其髮出之賊復揮刃冠髮長倍身止斷其髮  
波流中若有人捧而濟者乃獲不死是冠父長  
史誼曾涉江夜聞水中鬼哭如求援者次日募探  
深潭得枯骸徒瘞高原復夢前鬼致謝曰終當有  
以報也至是人皆以爲冥報居嶺表七年當道餽



遺悉拒不受亦未嘗一字報答惟時與湛文簡若  
水出沒羅浮忘乎爲遷客也有薦於朝者疏云抱  
經濟之猷日深日大希聖賢之道不怨不尤中外  
以爲非誣起潛山知縣嘉靖入繼首錄忠諫出御  
批戴冠當不次擢用復戶部員外郎陞延平府知  
府在道改蘇州轉山東提學副使一歲而四遷其  
官未任丁艱歸行李蕭然稱貸舊知額姓者十金  
爲路費服闋起寧夏兵備副使未任以疾卒年四  
十冠丰姿俊洒含默不多言而遇大言乃噴爭不

已平生專積書囊無長物與王守仁李夢陽及  
里何景明馬錄孟洋樊鵬爲詩文氣節之交著述  
頗富多散佚世所行戴氏邃谷集未免無遺珠之  
憾子川貢士有詩名能世其家學云

王納言字維允信陽人丙戌中禮闈聞父疾亟歸省  
登己丑科進士授戶科給事中言時事得失直聲  
大震時吏部考選太常寺卿丞上以張鶚金斌仁  
桑有蘭徐可成任教習雅樂讀祝禮納言上疏言  
太常古之秩宗所以典神祇和上下清華重地不



可廁以匪人斌仁輩本道家奴耳異端黃冠詎可  
 曳組鳴玉以汚廟堂銓選者不思大義致使小人  
 得以夤緣忤旨繫獄謫湖廣布政司照磨稍遷嘉  
 興府通判陞山東僉事丁外艱起陝西僉事分巡  
 延綏稽察軍儲武弁知警以督府糧餉踰時致軍  
 變遂落籍歸田囊橐蕭然後遇恩詔復職以壽終  
 董威字重夫食貧攻苦年四十聯捷魏縣邯鄲知縣  
 俱有生祠召入浙江道御史修京都重城巡鹽兩  
 折奏竟沿海厲禁按貴竹調停安宣撫有功任大

理民號不究撫真定延綏招降千六百餘名  
 督川湖雲貴平叛苗韓甸等三十六處詳在平苗  
 軍功錄

王祖嫡字胤昌父詔信陽衛指揮僉事註悞鐫世秩  
 祖嫡以胄子舉於鄉乃上書闕下白父寃得復故  
 爵隆慶辛未成進士改庶吉士呂文簡公嚴重之  
 謂有忠孝大節諸吉士以事毆詈吏部掾掾走訴  
 之部往白江陵下手劄欲分別議調黜吉士各自  
 匿祖嫡獨前奮言詈部掾安所坐罪事尋解授檢



討番十年以內艱歸廬墓側起補原官遷國子司業上疏言革除間事請及時釐正得旨許重錄景皇帝事而建文君事姑止時論偉焉遷洗馬纂修玉牒扈從上閱壽宮賜四品大紅羅衣一襲嘗撰明因寺碑中有塗膏釁血語微以示諷偶達慈寧宮賜以寶鏹文綺佛像藥物及諸珍饌尤詞林希濶事也擢宮庶以妻喪請告歸維風正俗閭里奉爲標準詩文典贍雋永卓然名家晚迹於禪北屨續神氣翛然不異平日

王延世字思延號喬峯庶子祖嫡之子年十八以職襲指揮使十九中本省武舉第二名本衛掌印陞嵩縣守備時陸渾山中有毛胡盧三姓倡亂延世率兵勦之躬詣賊巢置金錢於百步外貫弓執矢呼賊渠曰若能中此則任爾肆掠不則速解散賊愕視莫敢動延世一發貫錢賊遂稽顙乞命陸渾平轉遼左寧遠侯李成梁幕下叅謀時有蘇八害者慄悍爲邊患延世於陣次一箭殲之一日忽失延世所在上下惶貽越三日則以三首功單騎



歸蓋出塞深入也陞京營神樞佐擊將軍轉神機  
 營以扈蹕功賜麟服陞京城內外巡捕左叅將延  
 世負文武才雅有鳴鏑天山封狼居胥意緣右文  
 之世以武功進者多仰人鼻息遂乞骸骨年未三  
 十急流之退人以為難家居詩文自娛時閉戶誦  
 佛經不問外事然當路雅重之式廬者接踵崇禎  
 元年恩詔進階二品鎮國將軍癸酉信陽中寇患  
 延世贊勦守禦保全之功居多在林下四十餘年  
 七十三歲卒祀賢祠好施與家無餘財見時事日  
 艱談及君父之難輒悲憤填膺忠孝其天性也  
 學無不通字法右軍人爭以鵝群寶之詩文清俊  
 有晉唐風所著華黍堂彙餘二十卷半燬於火四  
 子俱庠生伯子星奎生不茹葷六歲即能詩善書  
 稍長尤工於射論者謂於左叅公猶大令之於右  
 軍李敢之於李廣也每抱出塵之志雖為諸生非  
 其好也城破後僑寓武昌武昌再破莫知所之人  
 或見之於匡廬云

王星璧乃延世猶子早慧讀書五行俱下留心經濟



談九邊阨塞及兵馬錢糧數歷歷如指掌流寇方張以諸生叅總理盧公象昇幕每出秘計時闖王高某者最雄桀出潼關而東壁曰流者水也就下則免汎濫矣今誘致於江淮之間乘地狹而蹙之可盡殲也盧從之壁復曰諸路將所率皆西北兵可勿憂鳳陽總督部下皆南兵恐不任戰萬一賊回鋒鳳賴則兔跳可慮耳盧不從高賊至滁州圍城且破盧統師突至城下直貫賊陣賊驚走先伏一裨帥于滁側起橫擊之賊大敗領其餘黨果也

鳳陽鳳陽兵劔槍甲積如山壁復從盧尾賊卒擒高賊於華陰本生謀也後從盧勤王歷觀居庸喜峯冷口之勝詩益悲壯渾古蓋得山河之助云年四十卒然爲人惜忿睚眦必報人亦以此短之

李杜字子齊真定通判駐獨石馬營蒞官廉明善拊循士卒勞問民間疾苦時出禦鹵動奄旬日鹵遂巡避去先是我兵每乘間獵鹵地鹵亦蹂躪邊地相當我衆被執者懷土來歸邊將多以此爲已



功杜兩申請具疏嚴禁鹵衆感悅內附者日益衆  
 偶給餉逾期士卒脫巾鼓譟撫臺知杜久得士心  
 召議杜慰數語衆忻然解甲散總兵俞爵遊擊呂  
 揚舉應鐫世職杜憐其才令立功自贖遂大斬獲  
 爵揚欲入杜子於冊可得世弁杜笑却之退具干  
 金進復叱不納會鹵大至制府命大將以下俱受  
 杜約束獲首功以千計杜親號識遂中惡卒制府  
 疏其功第一超擢僉憲正候旨而不能待矣軍民  
 垂泣不減峴山兩臺監司如失左右手爲經理

其喪歸妻子欲貌像左右曰公像尸祀之求之  
 得數百幅擇其尤肖者携歸至於邊遠歲試不及  
 杜請於臺使者疏得便宜試士士至今蔚然有文  
 云

劉尙質字彬卿少以文行雄鄆庠沈郡公雅相器重  
 延入西席盧某罹大辟持百金求解正色卻之甲  
 午秋乙未春皆魁本房授大行奉使晉寧河藩寧  
 河先王監國鉅富竟不一啟筐篚後使中州使三  
 韓使楚使豫章一如使晉已亥以資望選北道御



史候旨踰年會封君捐館於家不及覩飯含哀毀  
彌留遂至不起大業未竟咸爲悼惜云祀羅山賢  
祠子永泰永豫

劉尙樸字太卿號生白弱冠中萬曆辛卯鄉試乙未  
與兄尙質同以進士起家授太原府推官風裁凜  
然陞武選司主事轉正郎疏壅滯清冒濫諸所條  
奏咸勒石司前永爲龜鑑有貴戚錦衣某者求掌  
團營爲曹印者逼權貴持益堅雖風以中宮意指  
不動也時有鐵武選之謠司舊有椒山楊公祠啟

其門者輒旣及局鑄有年公獨啟之無他人謂兩  
公風烈寔相埒云陞固原兵憲飭勵將士勅志邊  
防時河套鴟張倚公爲長城焉會兄尙質與父文  
學公相繼捐館舍睠戀母老丁艱後遂乞終養烏  
情愷切溢於章奏獲報可優游林下十有五年時  
遼左多事當路競以邊材薦再召寧前兵備守志  
彌篤年五十七卒崇祀鄉賢公廉介之操始終不  
渝雖服官十餘載家猶寒素布衣幅巾樵牧時與  
爭道不知其爲貴官也閉戶手一編如老書生詩



酒自娛從不問公家事然憲戟司收有事輒折節  
造訪矜式維謹胥吏衛弁無敢登其庭者自後士  
夫不免頽焉潰矣公奏疏詩篇甚富火於寇子承  
元承亨永利

李呈章字順卿號鴻渚爲諸生時閉戶力學人以處  
子目之中萬曆丙午鄉試力行課子弟如諸生時  
祖遺財產盡讓嫂姪後兩兄嫂並姪相繼物以貧  
不能葬傾學俸以襄事族人亦多待以舉火者  
丑署河內廣文文行課業生徒翕然宗嚮丁

右聘分簾所拔識者六人榜元出其房辛未授山  
西遼州守廉平多惠政承平久人不知兵土城垣  
庫方督帥修築流賊乘夜闌入呈章坐堂罵賊不  
屈賊迫脅移文以賺屬縣復不與遂遇害義烈有  
足多者

錢守廉字陸石別號雪瀾戊午舉於鄉乙丑成進士  
授太常博士崇禎庚午分順天秋闈所取劉士璉  
等皆名士考選御史巡方廣東推官知縣某某以  
貪墨聞守廉下車卽劾褫之有爲蠱術者黨類二



百餘人遍散蠱毒於飲食中歲餘毒發延術人調  
治愈者輒勒分其家貲之半粵人苦之守廉窮治  
黨與盡置之法且刊刻其解救之方以示人賴以  
活羣不逞冬扛富室子以去勒索金貲慾饜而後  
出之守廉以舊法太輕故不畏上疏謂宜如東北  
响媽例獲者誅無時報可定爲律勒贖之風遂息  
海上多警閩粵騷動守廉設法勸禦招其渠海波  
以寧後其人克以功名顯黎人煽亂守廉奏合粵  
西南贛諸兵削平之不解帶者數月旣平慮地曠

山險易以藪奸奏建連平州鎮平縣二城控制之  
修建之費數十萬金咸出自蠲俸勸募不費朝  
一錢事竣歸適中州寇亂會勦諸將驕蹇多縱士  
擄掠守廉道值載婦女以行者問知爲某某兩大  
帥部也立疏劾之嚴旨切責羣帥膽落入都再巡  
陝右秦撫甘某罷癯不事事守廉彈之去內堵賊  
氛外飭邊防日夜焦勞遂病嘔血卒於任年四十  
九撫臣某總理洪公承疇交疏入奏有鞠躬盡瘁  
死而後已之語上亦稔鑒忠勤有意大用聞奏震



悼加贈太僕寺正卿舊時信陽衛有宣軍每年赴  
 宣卽以不能塞寒死相戒爲畏途守廉疏定折價  
 軍人咸以爲再生其他居鄉賑饑製炮修學宮濟  
 寒士所費無慮數千金至今梓里德之祀鄉賢祠  
 黃文煥字幼明別號十藪十歲以文見賞於汝南郡  
 守林公年二十五領萬曆己酉鄉薦亞魁數赴春  
 官不第益肆力於古文詞爲詩藻麗不乏氣勢性  
 方正非公事不入公門咸稱爲閉戶先生顧忠憤  
 老而彌篤寇躡中原率子侄僮僕宿守城頭晝夜

尚倦每日吾誓不與賊俱生城陷遂沒兩臺交請  
 褒恤會國變未果所著有公車紀行問蛾篇迴月  
 樓集閒閒語行於世

芮嘉元本衛指揮使萬曆季山東滕縣白蓮教賊亂  
 聚衆數萬鄰省震驚奉檄調嘉元往征之嘉元膽  
 氣無前出入賊陣辟易無敢當者每戰歸必甲馬  
 盡血斬獲倍於諸將一日以單騎深入死事聞下

詔褒贈

又百戶葉正芳千戶張泰運勦流賊於  
 鍾山舖塚寡不敵力戰死皆衛弁中錚

者錚



石元聲字九成別號雲璈中崇禎癸酉鄉試辛巳之

變眾聞寇入城咸鼠竄元聲獨率家僮執銳登城

與寇鏖戰不勝遇害撫按錄請褒恤未果城陷復有諸生

王廷佑王星房同以罵賊不屈死 以上舊志

張振猷庠生慷慨尚義崇禎十四年流寇李自成黨

攻州城振猷守堞城陷被執賊見儒冠強之降免

死振猷罵曰賊奴殺即殺耳安有朝廷義士而喪

節受降者乎賊怒將殺之一賊曰殺之無益盍囚

之竟以針縫兩目縛於車上載至荊州禁錮於獄

振猷備嘗苦楚終不為屈我

朝定鼎平賊荊州太守釋之令乘驛回籍卒鄉黨至公

猶稱為義士

袁崇讓生而峻偉膂力過人當明季流寇方張有梟

賊劉扁子據平頭梁來攻崇讓約結敢死之士同

心守城時有州人歸朝陽者奉紳士張某家僕性

最雄桀因過被逐投入賊營用為總兵官朝陽素

知崇讓技勇說賊首曰如得袁某為助則申可破

也因設計執之崇讓罵不絕口誓不從賊



信陽州志  
卷之八  
三  
怒重杖囚之崇讓僞降乃密修書遣使回報諸同  
事乘其無備攻之已嘗爲內應則賊可擒也賊覺  
搜其書立斃之拋屍於井至今袁氏子孫衍盛世  
業詩書多入庠食廩儼人以爲忠義之報云

卒哀毀不食廬於墓側雖盛寒蓬頭跣足負土  
墓時值大旱境內田禾將槁惟綱所居周圍十餘  
里霖雨及時鄉鄰異之事聞詔建坊表閭

袁洪合浦縣丞父患足疾每夜焚爨禱痊父沒居喪  
盡禮負土營墓結廬於側旦夕拜泣三載如一日  
有司表閭

趙謨郡諸生家貧力學馬御史錄其女弟之夫也以  
事謫戍南丹衛謨父文華往省之沒於南丹謨走  
六千里徒步扶襯歸旣葬結廬墓側蝗不入境盜



賊相戒不敢犯終制上書郡學願削諸生籍躬耕  
養母知州唐公瑤詣墓勸歸申請具題詔建坊旌  
表

楊歸儒生員楊溱子溱故歸儒號泣骨立負土築塋  
搆茅棚其側刊木為父像朝夕哀奠鄉人憐其貧  
遺之粟拜謝不受有司表閭

張士傑寇至欲殺其父士傑以身求代賊遂殺士傑  
貸其父時年十八

戴伯鸞性至孝母卒伯鸞居廬啜粥非禮不行與弟

張士傑

年十一歲父弱明病割股以進

院文給匾表閭

陳秉心廩生七年廬墓捧土成墳嘉靖三十一年州

教建碑旌表

以上  
舊志

蕭采幼喪母父繼娶劉氏性酷烈時崇禎辛巳流寇

陷城采方九齡父亦歿劉氏棄家避賊遺猪二口

留采居守賊至擒猪將殺之采泣不與賊怒以刀

砍其左股采負痛奔赴城上賊又追而墜之死而



復甦然兩耳已被驚聾矣後逃至汝陽有老人郭某窺米大資靈敏留於家令其子讀書采恒憂鬱不食或仰而嘆俯而泣郭詢其故采曰我母不知何在烏忍久處他鄉郭異之遂送歸顧母劉氏並無憫心猶責以棄舊而逃逐之留養於岳家年十五游泮以事疾者衣頂仍不時省視其母遂別氏疾甚情藥罔效采慮其難愈私嘗母糞置於室流涕語醫者曰母其危乎醫驚謂采言以故醫者異之未幾母果去采哀毀盡禮自是研究岐黃

異傳以醫著名年七十四而卒

孫瑄賈應才子年六歲以姑適孫九徵立為嗣後始生二子長琦次璐俱在孩提九徵旋歿瑄克勤克儉持家無偏私及弟成立其田產廬舍俱歸兩弟瑄僅留園地一畝築室居之學醫為生越數載嗣母病篤服藥不效瑄謂其妻曰吾雖養子不忍忘撫育恩也禱天默佑願以身代潛割股肉兩次和湯以進母歿之漸愈今母年七十餘人以為誠孝所致夫瑄以螟蛉子既讓其產復割其膚可謂孝



友兼盡矣世之同胞相爭所生有忝者對之不幾  
爲禽獸行耶

張聯芳生時母故五歲祖父偕亡惟祖母陳氏是依  
年稍長陳氏得重疾半載醫藥罔效芳乃剝肉作  
羹以進祖母病頓愈其股上血痕瀝瀝芳亦不自  
知其痛不數日卽痊若有神佑者然鄉鄰見者嘆  
服泣下時年十四篤於孝行曰顧肌膚殆天性使  
然歎

黃金筆性至孝母胡氏年老家貧力作供養母病

政事

明

戴誼字正夫弘治戊午舉人以親老仕獻縣教諭與  
諸生以古文詞相劇切是時何季方爲斯道啓榛  
莽誼相與上下其議論稍遷國子學正出爲趙府  
左長史獻替匡扶王遂有賢名初誼之屈志就職  
也原期迎養其母陳氏及受職陳以年老不任與  
馬誼疏控援例分俸於原籍支給雖得請終非素  
願久之以致歸子冠成進士卒進階朝列大夫



樊鵬字少南父懋昭嘗為賈不欺人曾買綿於湖廣李氏至館閱數有羨乃密如李氏問綿數李不知也即還其羨又常買牛牧與溢三金牛家恐其知而取也設酒跪曰昨者直實溢三金吾貧可遺其一還其二懋昭笑曰吾知爾貧故溢與爾是生醜登嘉靖丙戌進士授安州知州多惠政遷南京部員外郎轉工部郎中因母老疏請終養不許陞陝西按察司副使備兵固原禦賊有功受白綵幣之賜以母憂歸服闋卒鵬游於何仲

實之門與孟望之唐應德輩為詩文友其談詩也卓有所見與康德涵書言初唐詩如春園未放之花含蓄渾厚生意勃勃盛唐則淘洗條理而生意稍薄矣近日海內名家自許古人而乏溫柔敦厚之旨少含蓄渾成之趣所以然者孜孜於杜未嘗引而上之也夫杜亦詩之變體折衷於古風斯詩為下今人守其繩墨不離尺寸云云世以為知言張四知字子畏後移家於汝嘉靖間刑部主事時宗子相梁公實徐子與輩並馳聲藝苑喜新調轉相



引重四知卽遊遊諸君間意獨不謂然數以口語折諸君諸君亦折四知乃愈益下惟湛精極思自攻其所好久之出其所爲古文詞類能剗削浮艷灑灑然自成一家言諸君竟不能屈也尋調駕部郎干者如蝟四知一切拒絕卽大司馬有所縱舍爲貴勢人地並無假貸居亡何出爲四川按察僉事憲軀嚴重諸所懲汰尤峻眦墨望風憚若神明川東故有夏禹坊會撫蜀者阿寵臣陸炳意爲樹陸宣公坊視禹更過之四知故始其制撫蜀者大

慚志欲有所中而四知以母病上書不待報行明年撫蜀者以前恨竟劾罷四知官一夕夢張平予謂曰吾宗之彥在子矣寤而嘆曰嗟乎天將畀予以窮愁著書耶因戒門者勿通賓客危坐一室旁羅圖史惟肆力於著述萬曆丙子卒子宿次中

丁酉鄉試

何立字豫甫景明仲子七齡失怙恃苦志好修才華氣節紹先起後性嚴正諸子雖貴侍側未嘗不凜凜中嘉靖癸卯鄉試懷遠知縣縣故苦徭賦諸軍



餉糧馬驛傳督責旁午民逃地荒立爲羸縮輕重  
調劑緩急俾富無蹙財貧紓紮息清訟平罰下感  
上孚府役不輕下縣避罪者不敢匿陵戶所盜發  
卽擒水陸毫不爲梗贍事展物賓至如歸廣招復  
業人予牛種三年乃徵其賦引宿逋者有禁人來  
告著故土者日以數十百計月試諸生崇獎節義  
孝悌而糾其違荆途遠近雍雍如也政成擢承德  
安署雲夢隨州俱著賢聲一時臺司嘉重僚友質  
成薦牘屢騰且有超擢而立浩然賦歸不獲財求

齋捧以行入賀禮畢堅疏乞休朝紳高其誼借  
都門解組詩以贈陳文瑞公實爲之冠行之日祖  
張聚親曰此何必減二疏耶里居結文酒社秉禮  
崇儉化俗維風杜門課讀絕口不干公事懷遠謚  
思先後請於臺使者邵公陞胡公秉性崔公廷試  
允建生祠徵大司寇王公世貞爲碑記詳具淮浦  
遺思錄中壽逾大耋臨終治命琅琅且曰人生如  
此而來如此而往獨往獨來正襟危坐而逝  
何洛文字啓圖立之子也淵源家學少著英稱嘉靖



辛酉斐然第一文衡相賀以爲得人乙丑成進士  
改庶吉士每試館閣輒冠曹耦授編修神宗登極  
擢修撰充經筵日講官數受白金文綺之賜歷中  
允諭德侍讀學士掌院事詹事府少詹事禮部左  
侍郎凡七任詞垣周旋講幄者十年每進講必先  
齋沐期以精誠悟主旁引曲喻用規時政及授簡  
詠古圖畫上未嘗不稱善乃大書責難陳善四字  
賜之爲講官詞臣之冠與修兩朝實錄起居注大  
明會典知貢舉者一生畿試者二分試古之

注武試者一所識拔皆海內知名士其知貢舉  
取諸卷預隲之及放榜五人無一爽者人倫之鑒  
可知矣以讀禮歸遂致仕歲甲午中州大祲洛文  
素無宦橐鬻產賑饑全活萬衆詔建坊表閭復具  
疏辭免仍賜金幣時璫焰張甚鄰邑幾中礦禍洛  
文勸朱守勿阿勿激兩河地方咸受其賜嘗與汝  
陽趙太宰新蔡張中丞輩爲山水游觴奕詩篇不  
減香山洛社卒賜卹典三子裕家奕家起家  
李朝陽字鳴和幼失父事母至孝母疾篤剔肱煎湯



以進母竟愈壽至八十三祖遺貲產盡讓弟庠生  
 朝旭中嘉靖丙午鄉試房縣知縣房地多山民刁  
 負稅朝陽興學平法辨冤滯摘發偽印之姦兩臺  
 即院悉褒嘉焉後以母老終養房人爲立生祠周  
 貧族容橫逆貧生王一化不能娶則爲具幣內親  
 藍子信不能嫁則爲飭奩劉茂才暴卒不能葬則  
 爲備櫬且贖其孫於萬孝廉或有稱者朝陽遽止  
 之曰吾不欲人知也其真心行善如此孫履中繩  
 中

黃國相字輔之端莊醇篤里人以處子稱之在  
 甚以選貢得寧羗別駕厲操持平有王佩以過悞  
 致人死國相鞫得其情主出旁邑故圭入直指臺  
 竟從國相議且亟稱其仁明薦陞陵縣知縣蝗不  
 爲苗興學課藝陵邑自是科第輩出以母老乞休  
 居家醇謹無異見稱處子時云子文煥中己酉亞  
 魁

張知玉又封號十洲以進士受戶部主事權河西  
 孫穰濺介聲咨改兵部武選司郎中掌選事時吏



多年賄舞文卑寒壅過如蕙一依資俸先後吏不  
得上下其手陞江南壽潁道寇氛充斥督兵擒勦  
屢著奇績晉秩太僕寺正卿及掛冠歸以詩酒自  
娛從不問戶外事鄉里賢之年六十四卒

國朝

劉械字岸先蓀芳長子康熙庚戌科進士授廣宗知  
縣政崇簡約下車卽周詢民隱所欲與擊所惡勿  
施潔己清操陋規嚴爲禁革百姓競頌二天至獎  
導士類勤課藝而作養之邑久乏科目一經造就

有李姓者卽獲聯捷多士迄今服藻鑑焉其他

政具邑去思碑記陞陝西河州知州方抵任以疾  
告旋卒於官子長發秀發俱庠生

張如芹字澹石號侯菴如芝如蕙如葵胞弟也文音  
世家名重一時且孝友謙謹攻苦下帷胸富五車  
運慳一第以恩選蒞任宣城興利除弊吏畏民懷  
兩臺首薦卓異奈勞瘁過多業未竟週星以疾  
卒於署官守鄉評無愧召杜人咸惜之

張鵬翼字雲閣攻苦下帷文宗先正書法右軍領順



治戊子科鄉薦初任郟城教諭陞廣西富川知縣  
寬嚴並濟吏畏民懷地方亟切贍依旋以詿誣歸  
里食力著書為後學矜式年五十九卒

周繇祖字念亭復元侄孫幼穎異能文順治戊子拔  
貢年甫弱冠以恩詔廷試上卷授江西安福令有  
德政民樂愷悌緣漕糧舊多逋欠繇祖催科政拙  
忤當事意尋罷歸福人懷之為立去思碑旋里齋  
居一室博稽古今典籍課子弟足不履市然遇有  
公事宜舉輒能毅然獨任時值兵燹後文廟明倫

為茂其地岫西關人

宇煥然壯觀至其敦睦族眾期鄉黨惠施

以枚舉晚年種竹栽花吟風弄月壽享七旬有六

子藝穀藝禾俱庠生

何繼桂丙午漢中府推官在職平允居鄉和易康熙

初午祀鄉賢

何瑞徵明崇禎戊辰進士廷對第二由翰林歷任國

子監祭酒壬午典試江南所拔多名節士如黃

耀諸賢皆出其門瑞徵於



國朝順治元年授禮部右侍郎致仕

鄉賢

耆德

明

張端平谷知縣調壽光致仕歸至南洛逆旅拾得同寓官陳勉遺金四鎰追六十里還之

孫恪臨晉知縣自幼苦志讀書天性孝友繼母傲兄曲意奉事為孝廉時貧甚無干謁郡守唐公珪雅敬重之及居官尤厲清操歸惟空囊幾不免於饑

寒

劉鳴瑞字子鳳父仲文有隱德人稱劉長者母吳氏



夢五色鳥飛鳴於庭而生故錫以嘉名髫年小試  
 輒冠十四城李霖寰周明宇諸督學咸以文行首  
 旌眎一第可頰拾數奇屢躋會尚朴李晉陽滿考  
 且歲貢及期勉拜恩命緘膝弗御也居恒文酒自  
 娛雅慕公幹伯倫之為人客至開樽盤中水晶玉  
 版泊如也拈韻口占豪逸道上嘗語社中忘年  
 曰信陽地北云云其雅志可知矣與物無競尺  
 不入公門里中忘其為封君居憂兼戎嶠之慕  
 稱至行云所著北征諸草行於世子公賀

成乙未進士

劉永泰字大來號又立侍御尚質子也警敏好學弱  
 冠登萬曆壬子賢書下帷攻苦博通四部諸書為  
 人儉爽無城府輕財好施知交中多待以舉火性  
 篤天倫事繼母何氏以孝聞雖與弟析箸而居有  
 無與共不聞爾我仲叔尚朴故遺三子甚幼為之  
 輯安中外撫育教訓不啻同胞讀書南成均時焦  
 漪園先生方講學建業得盡聞新建溫陵之旨後  
 益旁通柱下微言以疾卒屢躋公車不得展其抱



人爭惜焉詩文儻邁如其人所著有楚游記南征草經史管見劉氏存稿諸書火於寇

孟說字宗傅弱不好弄父教以句讀能成誦徐授以詩輒通大義十六充諸生郡博士馮君奇其才嘗語人曰孟生目不邪視步往來不失尺寸篤行士也父卒說哀毀稍起即治塋地手植佳樹百餘株與二兄分產取其敝者伯兄早卒嫂貧孤幼撫給備至事仲兄尤謹孝友聞于四方從游甚衆修藝有無弗計也性度冲雅非公事未嘗一至官府

以義命自安者宦庶王公祖嫡爲之傳

李履中字冲一萬曆乙卯舉人房縣令朝陽仲孫性孝友平生無疾言遽色從不竿牘有司五上春官不第或勸之仕曰毛義捧檄色喜爲祿養也吾母老且病不得迎養至官移孝謂何布衣疏食吾事吾親足矣終不仕弟繩中字印可天啟甲子賢書

第三人偶儻不羈詩文如其人

以上舊志

胡養蒙廩膳生居平昌關豪俠仗義兼有幹濟才崇禎十三年流寇肆毒擄掠焚劫平昌受害尤甚男



女日夜泣號養蒙乃集里人倡義言曰今盜賊蜂起人人自危將坐以待斃乎計惟築城力守庶可保其無虞也因傾產倡捐鳩工庀材里眾欣然樂輸共成義舉數月建磚城一座高四丈週圍三里從此迺者復聚若然一方保障至今城堞巍然完好人烟輻輳為申州重鎮皆養蒙倡修之功

國朝

李嶽生字山斗天資樸厚青年遊泮杜門訓課深嫌奔競干謁有澹臺城明之風父卒事母張氏

色養母病篤厭服藥嶽生潛割左股作羹

母啖之遂瘳族某負糧二十金被繫嶽生驚走代完鄉黨稱其義暮年手不釋卷嚴誡子弟集古人嘉言著為家訓惜阨於遇僅以歲薦終

何嶽徵字公執宗伯瑞徵之弟生而長厚敦本慕義宗伯歿遺一子可儔尚在弱齡當兵燹之後家計蕭然嶽徵追痛其兄加意保護稍長延師督課得列膠庠一切家產厚於其侄而已薄取康熙己未歲饑米貴如珠嶽徵捐貲賑粥以濟貧人賴以存



活者甚多他如洽比任卹解衣推食絕無德色猶見古人之風

孫禾字合穎其五世祖恪以詩書世業禾幼失怙克承家學齠齡受書輒能解大意好讀古文史書爲文邁軼不循畦轍弱冠補弟子員屢屈不售傳經家塾布衣疏食恬如也父沒已久每有所觸輒痛哭失聲竭力事母甘旨必供從無忤言和睦兄弟析產能讓旣而兄楫亡卽以次子祐爲繼於是嫂獲守節而母心亦賴以安門以內從無間言其在

鄉黨中無飾容無戾色坦懷樂易不敢以言老而疾甚囑子曰汝曹讀聖賢書存心行事無屋漏天地自爲錫福每見富貴家子孫驕奢橫恣不數年而覆亡隨之遺玷泉壤取笑鄉里可不戒哉子祐謹受教能讀父書歲貢生次孫鳳立成進士令赤城時以單恩賜封文林郎

馬竣逸民家素貧竭力事親一切家務必稟命而後食罔敢自專起居飲食尤能曲體以博老人之歡和睦鄉里長厚可法嚴戒子孫午夜篝燈談忠說



孝豐豐不~~傳~~長子正午成進士誥封承德郎著有  
傍溪茅屋遺稿

何可儔廩監宗伯子素性慨直治家有程式一以勤  
儉為主且樂善不倦見義必爲每製~~藥~~合藥以濟  
人隣里通緩急者視其力不能償~~每~~不取索見錄  
者給之食寒者與之衣衰老無養膳者輒周以資  
糧又施義塚七畝永遠認糧雍正元年河決派  
夫料合州受累求免無計可儔獨援前免河七  
記毅然倡請上憲得以永免至今蒙庥其~~事~~

有過人者後以老人祝萬壽賜黃衣榮身享年七

十有六

張有恒字見可號聖基累世業儒家敦孝友祖守謙

父本名重賢序二老俱卧病有恒朝夕侍奉親進

湯藥經年不少怠篤愛幼弟有序訓課遊泮有恒

山居終歲不入城最厭脂韋陋態嘗館某家一少

年某以獻媚謁貴矜能有恒正言教之某怒而詆

詈有恒辭去絕不與~~校~~師補弟子員及入貢苦志

讀書王唐諸先正文尤所精研入闈十五科雍正



丙午房考得卷賞之評其文有兩點棋聲之致然以額限終不售年七旬而卒子鶚薦雍正己酉舉人

張本說字燕公貢生明進士如芝四世孫廩生珏子弱冠補郡庠生食廩餼有文聲屢赴棘闈以數奇不售康熙戊戌磨歲薦又十年授林縣司訓辭弗就爲人春和靜穆無疾言遽色與人無面抵亦無浮諛雖口不可得言而胸中確有涇渭其叔父庠生昭早亡奉祖命承祀盡禮事嗣母葉氏左

右就養無方內外皆以孝稱事聞推  
生旌其門學憲臨汝諭各縣舉孝廉方正之士  
學悉推讓焉乾隆二年舉鄉飲酒禮延爲大賓年八十有二卒

李惟勤字業廣明經李嶽生子凜遵庭訓以勤儉和讓爲本髫齡游泮篤志舉業數赴棘闈不售遂設教里中詠藝傳經深得古人分年日程法及明獲入黌序者指不勝屈如馬正午尤以科第著名至家非素豐每好施與鄉鄰婚嫁殯葬貧無以舉惟



勤輒慨然捐囊以助或竭力籌畫視人之患難若  
 身受然里有唆訟陷人者惟勤力辯其誣侃侃不  
 屈或謂之曰汝行直道竊恐不利人口惟勤正色  
 曰吾特患人不為善耳怨我詈我庸何傷他若家  
 敦禮讓耿介持躬闈內外肅然有矩矱里人奉為  
 典型年八旬以歲薦終兩逢鄉飲舉大賓道憲本  
 公州守朱公咸欽其德壽而獻見者榮之

李齊字聖符號與孟州增生庠生如璉之長子當

受書恪遵父命以忠信孝友立品為務父嗜酒教嚴

不拘寒暑命其侍立酒後作詩為之記稱時而許

言某某心術品行宜法蓋其心術品行且戒夜深立

不離左右父病早夜調護不一假手婢僕或勸之休

曰此非他人所能代也及沒哀毀竭情寡母高年融

融色養務得其歡心兄弟式好從無間言析居讓產

每以闈墻是誠言動謹飭惟恐與人齟齬至戚朋往

來然諾無欺尤喜勸人孝友及聞橫逆不平事輒形



於色拍案呼曰夫夫也獨非倫類中人哉胡悖理若  
是其意氣磊落類然年近八旬一言及父母哀痛動  
人僭弟生員引捐貲築北關西關斷處以接來脉他  
如不能安葬婚娶者無不助之橋梁道路亦無不助  
其修建巡憲李公聞其孝友親詣其家贈言褒  
獎州主朱請鄉飲僕賓撫憲旌其門原在修志之列  
州主張閱卷慕其端正提出立傳

嚴體仁吏員居平昌關生員爾翼子年六齡父母俱  
亡無何兄育仁亦故休仁事嫂如母撫侄如子善

持家業不畜私財任成立育仁所遺田產仍付侄  
自甘淡泊另創業成家積有餘財輒思濟人街隣  
蘇貴卿負不能婚助以十金並不責償路遇貧人  
胡上公欲鬻子女度荒休仁施錢五千俾爲謀生  
之具上公骨肉得免分離泣謝而去關之東門外  
每遇水漲不便行人體仁捐銀四百金建石橋一  
座又於關西建木橋渡淮無阻並留田一分囑子  
孫爲永遠修橋之費州西有母猪河係往南陽大  
路每被河水冲刷體仁獨力修治二十餘里遂成



坦途生子三人長端次敬三方俱入太學孫學由  
亦列膠庠入之報施善人殆不爽歟

柴攀桂居油河店天性醇厚好施予廣行善事鄉隣  
求無弗應有侄延祚貧不自給桂贈以田庄每年  
計可得租三十餘石庄左右有東嶽廟及祝佛寺  
僧乏香火谷施田一分可值三四百金不等凡橋  
梁道路不惜重貲修建以濟行人種種陰隲不能  
殫述里人過爲勒石以昭其德

李備字我皆未週生父吉喪三年免懷時母李氏

病篤備籲天祈佑家人尾而見之皆驚嘆泣下卽  
口母病頓愈人尤奇其事以爲孺誠格天有如此  
者長就外傅質最魯百編不能熟一藝讀書常竟  
夜不寐母諭以少休弗輟是用卒庠於成無墜  
家聲伯父貢生嘉乏嗣備過繼先意承顏一如所  
生嘉老得痿痺病與其妻程氏晨夕扶持不少廢  
離凡澣濯汙穢皆身親之不以委家人父母卒喪  
致哀葬務期竭力每值父母忌晨及已生期必祭  
且痛哭食未嘗飽平生喜讀帝君化書於戒淫諸



篇尤三復焉途遇女婦俛頭趨過友有以色誘者  
忿然峻斥之不復與言其賦性樸醇廉介不近名  
不炫異臨財無苟得議論不苟嘗至老不干吏庭  
制臺旌閭鄉飲僕賓年七十有三卒其季子亦復  
妻劉氏割股瘳翁病人咸以爲仁孝聚於一門云  
李見龍住五紀屯少孤採樵爲生勤儉善生理漸致  
豐厚樂善好施生二子皆聰穎表表出衆人以其爲  
積善之報也未幾見龍得嘔血症二子皆夭或阻  
之日爲善不祥可以已矣見龍曰吾命也安之而

已豈可因之隳乃志乎自是益修其德不吝重  
建修大小橋五座平墊大路三段建廟塑神者八  
座施義塚三畝舍茶三年他如助人婚姻周人困  
乏善事尤多既不索償復不對人言恐貽受者羞  
宅心忠厚天性然也壽至七十而卒里人爲之勒  
石撫憲賜善人牌其事俱載彰善錄

胡琰生員爲人誠實居家孝友父養中年七十因痛  
長子瑛病亡抑鬱成疾旋患瘋狂琰遍訪高醫調  
治罔效晝夜遊行踰山涉水琰呼天號泣朝夕追



隨勞頓憔悴俱不知迨後狂惑益甚力大於少壯  
毀人房宇敗人器具琰鬻產賠償服罪隣里爲之  
滋擾不寧悉憐琰之誠孝並無怨言父病歷七載  
不愈琰事之備嘗辛苦久而弗懈父歿哀毀骨立  
喪葬盡禮自是足跡不履街市且撫幼侄如子教  
以義方或不率偶加撲責扶杖流涕其存心友愛  
如此

葉振麟字閣仙嘉善令葉蘊次子性嚴正敦倫慕義  
兄振珽係前母所出析產村居家漸蕭條母久喪  
無力以殯及父沒振麟家產漸豐慨然自任日父  
母大事弟當措辦敢諉兄乎遂獨出資費將父並  
前母殯葬盡禮兄歿念其子孫貧無以養又分給  
田產使得贍足及遇人貧寒施穀給衣廣行陰德  
里人陳爾寧郭華泰尤蒙厚惠嘖嘖稱頌不衰早  
歲補弟子員博極群書屢躋鄉闈不遇歲薦後絕  
意仕進嘗偕二三老友登眺放歌悠然有超世之  
槩年近六旬連舉二子長夢龍庠生次夢熊太學  
生



孫祐封翁字萬受號四休居士明臨晉令恪之六世  
孫清贈文林郎禾之子也幼聰慧貌岐嶷出就外  
傳時明經蔡及申見而奇之因以女妻焉歲己巳  
補博士弟子員丙子食廩餼屢赴棘闈以數奇不  
售乃益研究經史教授生徒諸生之遊其門者多  
所成就如張子大成袁子淳程子瑋皆著名庠序  
間而翁三子訂立鳳立玉立暨族姪仲煜則皆以  
一經不假外傳者也翁之伯早亡伯母張止撫  
一女歸於金張唯婿是依所有田產悉與之親友



中有不平者謂翁曰子胞姪也且承令伯嗣祖遺田產安得盡歸金婿翁曰此伯母志也人之愛所生孰不如我我第守本分家產耳假令金氏姊爲兄又安所籍口乎迨後金姊沒產無子遺翁仍迎伯母養於家孝敬備篤鄉里咸稱道不置姊之子葉某少失怙恃族中無可依翁撫而痛之飲食教訓愛如己子年弱冠授之室葉得至於成立者翁之力也建昌李公爲南汝觀察暮翁之賢乃舍二子受學焉他如金陵劉公鐵嶺李公皆以師事之

尊敦通家之好晝日三接無一語及於私是以道皆器重翁翁於書無不讀立身行己一準諸道雖以歲薦終然古之所謂鄉先生者在斯焉歲丁巳翁次子鳳立以癸丑進士知赤城縣事過單恩誥贈一代魁封一代翁與太封翁授文林郎語曰天之報施善人不於其身必於其子孫其封翁之謂乎

蔡中字庸可州庠生世居城南當谷村至性純篤克砥孝行生母早亡父娶繼母徐氏生二子一曰正



一曰直中異母弟也中雖分居各爨凡事必先意承志務博父母歡父母故中教二弟讀書先器識而後文義正補弟子員膺歲薦直亦品行端方為鄉黨望重直故中命次子曰良過繼承祀仍分產與良以為事親讀書之費良亦列膠庠是中之孝友仁慈真可謂順父母宜兄弟裕後昆者矣事聞撫憲雅彰善賜額人之以為閭里式鄉飲酒禮行紳士咸推為介賓云

文學

晉

王讚字正長義陽人博學有俊才辟司空掾散騎侍郎

明

何奕家字成大號石城洛文仲子也生而敏異十歲能屬文大宗伯陳公經邦大器異之十四食膠庠餼試輒首拔聲動兩河間顧屢試不捷因長笑曰天能奪吾科名能奪吾老蠹魚乎乃益肆力於古



文詞以及陰陽醫卜百家之書著何如華六卷行於世舊信陽志皆其所論定焉尤精於天文有遠識崇禎間嘗觀天象顧子若孫曰吾老矣數莫我何爾輩其不免平靖關古隕阨塞也舊道通楚路僅在石罅中不便輿馬江黃間貴客爲燕都捷徑大關之奕家爭之不得因著平靖關議乃云不數十年民力盡於此矣其後輪蹄日夜不絕長吏叫詘其言若持左券云諸觀察及刺史重其行誼皆願爲納交某某寢邱大猾也觀察使劉公謂奕家

曰以千金易翁壹言貫其罪奕家堅辭不  
以學行訓其子不及其他子煥然以學行名

劉蓀芳號航石永泰長子家學淵源天資英敏年  
食餼試多冠軍諸先輩競以大器異之謂拾青紫  
可垂手得詎數奇不售一縷風雨萬卷牙籤造同  
君家劉蕢之遭際也且天性孝友父疾告天身代  
撫諸弟有田荆姜被之風後以明經領武進知縣  
唯凜奉祖訓廉靜冰操日爲前令補苴以通寢食  
未遑六載艱辛心血俱枯生平詩文甚富於書無



所不窺續修舊志悉出其手

李察倫字亟赤號丹嶼呈章仲子生而純懿篤於孝

友弱冠爲文灝博學使君試輒居一二名以數奇

屢躋棘闈僅領歲薦課弟輔倫亦得領歲薦講授

生徒從遊者日益衆申郟兩邑皆受教焉年平無

厲言遠色潛修株守不樂仕進不干顯達晚年留

心古文詞下筆有左遷標格詩歌尤稱醇雅

若海賦訓人年六十六卒

戴玕字去瑕冠之曾孫天資敏異爲女

後學津梁以壽終

一補之字山甫宮庶祖嫡後裔天資穎悟博聞工書

家無擔石晏如也年方弱冠補博士員卽講究古

世之學以遠大爲期州守陳公器重之延爲

師課士康熙庚午續纂州志多出其手至修學宮

魁閣獨力任修道憲項公彭公問其才每以公事

下詢凡宜興宜革公務言必中肯迨赴鄉闈不售

以恩貢司鐸商水約束士子敦倫紀砥廉隅士習

爲之不變委縣篆有循聲上游嘉之後以老告歸



劉宗泗字磐濱家故貧乏楮冠鶉衣落落然自行其志不以徇人少聰慧好讀左史及秦漢諸古書力弗能購恒倩諸人補博士員旁涉詞賦詩歌喜與浮屠羽士及星卜家遊既而虞其雜也曰聖賢名教自有樂地焉用此外教為遂决然捨去講學里塾得濂洛關閩大旨遊其門者甚眾會兩親偕逝入弗克葬每對人言輒潸然泣下州守廬公聞而之然家卒貧甚州守雅重文名命其來謁更周宗泗囁囁然曰貧者士之常烏敢為馮婦之請

竟終弗往屢赴試竟數奇不遂於是嗚呼歎曰自放於山水間每粗豪不拘繩尺嘗借題寫懷連成數藝多奇氣性嗜酒有留飲者輒盡量為歡貌視富貴人不知有偃僂聶嚙態流俗笑以為顛嗚呼宗泗特曠達不羈者耳安可目之為顛哉夫世之所謂不顛者大徑庭矣巍帽華服詡詡然嗚所長以欺人便便焉熟其機以逢世嗚呼此宗泗之所不屑為也

王臨字智宜別號凜淵其先世宮庶祖嫡左叅將軍



延世皆以忠節文章彪炳宇宙然世爲清白吏家無餘貲臨嘗疏水自甘苦志力學足跡經年不入市言則呐呐然不輕出諸口至經史諸書罔不參考博稽而四書諸家講義辨析尤精且於書法詩詞兼擅其妙一時請業問字者屢滿戶外其評閱藝文遠近人士無不欽服時康熙戊子科領鄉薦信陽四十餘載不舉一人至臨始開之而命多偃蹇累赴春闈不第鬱鬱終老焉以故鄉里讀其詩文覽其筆跡至今尤慨然太息云

武功

余廷俊明威將軍余進昇之第三子少負大志勇力過人年十六入武庠順治二年貝勒王內征略經長臺關訪求善射之士以備任用廷俊謁王王試其能左右射大加稱賞隨給劄符授千總職銜及攻湖南辰州府苗寇廷俊有奪壽縣先登之功擢沅州府鎮標守備兼中左兩營事順治十八年正月初九日遇

草恩賜封誥榮及所生康熙二年陞福建興化府遊擊



引見類

台恩賜頂袍奉命渡海隨征臺灣累建軍功至大別山

之東以力戰亡於陣主將重其忠義以禮優恤之

王文興閩人也以軍功起家康熙八年移駐信陽

墾入籍營英逆不臣順承王統一六進勦閩興驍

且請水師疏請赴楚隨征興矢一立功攻打洞庭

鹿角寨斷糧燬賊船冒險衝鋒恢復岳州直隸

長沙衡州等處旋撥雲貴督營略征連夜渡江殺

賊賊眾恢復貴州忠南等處王其屢建戰功

部議叙康熙二十一年授參將 授銜與以吳

滅敵愾功成念雙親俱老呈請 於養情詞懇切

憲題允

予告還家仍以原品食俸父母繼歿與亦哀毀三年論

者謂興忠孝本於至性云

許克濟福建泉州人隸海澄黃公麾下為右營都督

康熙七年移駐信陽開墾入籍閱數載朝廷以臺

灣為瀕海欲撫而有之水師提督施聞海澄公推

薦提調克濟赴閩從征濟身長八尺膂力絕人日



生長泉州稔知臺灣形勢先取廈門金門銅山等  
 島續取花嶼貓嶼將軍澳等島前後克捷計收島  
 三十有六焚賊船擒賊將臺灣定濟之功居多  
 云捷書上聞加功十九等授左副督銜給與拖沙  
 喇哈番世襲因缺少人多實補陝西靖遠營遊擊  
 康熙三十一年莅任康熙三十五年予告卒於  
 家續奉

恩旨念征臺功臣出力王家不忍廢沒命有司領  
 第子作楫以襲職食俸終身

晉志曰徐以選舉饒迦美申伯之遺化徵累朝之醇  
 粹矣若迺左文而右行後才而先品此尼父所以  
 嘆其難矧當濁世之末流乎然自文武憲邦而後  
 代有其人要以氣節文章並重海內者為人倫冠  
 冕中原文獻於是乎在於都鑠哉滌水賢山秀色  
 可餐後之視今亦猶今之視昔百爾君子可不勉  
 哉

續志曰語曰十步之內必有芳草十室之邑必有忠  
 信矧以元舅陶淑之遺而謂虛無人焉已乎乃搜



採數十年來哲彥何晨星耶今舉其論定於蓋棺  
其寔崇之祀典與確信之睹記或矯矯素絲風勵  
百世或洋洋彩筆藻繪一時以至功在封疆節成  
致命者若而人皆足砥頽風而光史冊矣抑何  
於此肩接踵歟唯天生才不盡後之君子擗三  
之管以隨其後可矣

流寓

晉祖逖字士雅范陽人輕財好俠慷慨有節尚與劉  
琨俱爲司州主簿情好綢繆共被同寢中夜聞鷄  
鳴蹴琨覺曰此非惡聲也因起舞逖琨並有英氣  
每語世事或中宵起坐相謂曰若四海鼎沸豪傑  
並起吾與足下當相避於中原耳及京師大亂逖  
率親黨數百家避地淮西以所乘車馬載同行老  
疾躬自徒步藥物衣糧與衆共之又多權畧是以  
少長咸宗之推逖爲行主後人遂以逖所寄跡處



名其山曰士雅云

唐僕僕先生不知何許人居光州黃土山三十年嘗  
餌杏丹乘雲往來刺史李林光以爲妖叱左右執  
之龍虎忽見其側先生乘之而去須臾雷電大至  
碎庭槐十餘株衆皆奔潰後有客於義陽郊行日  
暮投宿道旁草舍見老人與菜數丸食之便飽既  
明辭去見老人乘五色雲去地數十丈客遽禮之  
至安陸爲人述其事縣令以爲惑衆繫之客向空  
祝曰仙公何事令受不測之罪忽老人坐五色雲

自北方來縣令再拜問其姓氏曰僕僕野人也乃  
釋客今城東有僕僕塘卽其地

張懷素不知何許人寓居申州時廣平高正臣習右  
軍書法睿宗甚愛之與懷素有舊正臣嘗爲人書  
十五紙懷素乃戲換其五紙令示正臣再看不能悟  
客曰有人換公書正臣笑曰必是張公也乃詳觀  
之得其三紙客曰猶有在焉又觀之竟不能辨正  
臣嘗許人書一屏障逾時未獲其人出使淮南臨  
別大悵惋正臣曰僕故人在由州與僕書一顛公



可使往求之

舊志曰古君子重去其鄉賢者之爲寓公也多在匪  
鷄匪鳶匪兕匪虎之時士雅睠懷於茲亦非如浣  
花草堂陽翟別墅彼固將僂力王室不使神州終  
焉陸沉著鞭不先遂爾賈志惜哉僕僕野人近於  
幻懷素髮髯正臣儻亦有猶賢之意乎志之固愈  
於名不稱者

州志卷之九下

人物志

義母

漢

范滂母滂見收母就與之訣滂曰仲博孝敬足以供  
養滂從龍舒君歸黃泉存亡各得其所惟大人割  
不捨之恩勿增戚戚母曰汝得與李杜齊名死亦  
何恨既有令名復求壽考可兼得乎滂跪受教  
范本  
汝南伏羗人舊志收  
入必有所自今仍之



晉

韓氏朱序母序鎮襄陽苻堅將苻丕苦攻之初丕之  
 來也韓自登城履行謂西北角當先受敵遂領百  
 餘婢并城中女丁糾築城或拾餘丈賊攻西北角  
 果潰眾便固守新築城丕遂引退襄陽人謂之夫  
 人城

明

河氏大復先生女適叅將袁燦數年無嗣勸夫置妾  
 夫不欲氏擇良家女數人侍夫生子叅人撫育不  
 曾已出燦卒於官子皆幼苦心教誨俱為諸生燦  
 夫貴封人屢經藩臬有司表闕



孝婦

袁氏瑀女指揮王詔妻詔以冤繫獄償餉甚多袁書  
 夜苦心經營佐費卒出夫於獄夫卒事姑耿氏盡  
 孝課子祖嫡讀書登第歷官庶子終雪夫冤年柒  
 十八卒

王氏庠生楊徽聲妻奉姑蕭氏以孝聞蕭久持齋素  
 一夕病篤思肉氏不忍食老母年毀戒自割左股啖  
 母病隨愈兩臺題旌



饒氏黃慶先之子婦也年貳拾值姑病篤剖股禱救  
里隣舉其孝州守給匾旌閭

國朝

趙氏長安永清女余備妻姑薛氏病篤藥醫罔效氏  
割左股烹食姑病旋愈有司表閭

烈女

對

召南申女者申人之女也既許嫁於鄧夫家禮不備  
而欲迎之女與其人言以爲夫婦者人倫之始也  
不可不正傳曰正其本則萬物理失之毫釐差之  
千里是以本立而道生源潔而流清故嫁娶者所  
以傳重承業繼續先祖爲宗廟主也夫家輕禮違  
制不可以行遂不肯往夫家訟之於理致之於獄  
女終以一物不具一禮不備守節持義必死不往



而作詩曰雖速我獄室家不足言夫家之禮不備足也君子以為得歸道之儀故舉而揚之傳而法之以絕無禮之求防淫慾之行焉

出劉向列女傳

明

某氏婦不詳姓字明末城陷于賊遇婦將辱之婦大罵不從賊加以炮烙罵益甚時方懷娠腹爆如雷

而死

以誌舊志

貞烈姚女許聘陳時未字勢宦某伺艷其色欲汚之不可得遂誣陳時及女父姚天眷為僕致成獄

知身存難免脅汗遂自刃於

死

烈突之後天眷叩闥上聞旌之

也塚在州治南指南院西有新舊二

國朝

張氏生員張英女甫五齡生員徐之編

委禽焉年及笄未婚而懋歿氏聞訃投繯

救得甦誓不易志往執婦喪奉舅姑歷三十餘

無少懈學憲湯給匾表閭六十餘歲卒

張氏貢生張景棻次女許聘吳士楷未子歸而楷故



女年十八請隨母往弔遂留夫家執婦喪禮悲痛  
哭泣至於喪明乾隆三年詔建坊旌表

程氏許聘潘淇淇未及娶而病卒氏聞訃奔喪矢志  
靡他泣血三年拜墓釋服撫繼子以承夫祀奉事  
耄姑克盡婦道今年五十一歲里人欽其貞孝云

節婦

明

周氏指揮王璽妻夫卒年方十九舅姑以家貧無出  
令再適周矢天不從竟以節著

耿氏璽弟指揮王瑀妻夫卒年方二十生一子多疾  
氏斷髮自誓與姒婦周氏同心守節幾五十年事  
聞建坊並旌

袁氏指揮陳鎮繼室于歸兩月鎮亡於陣袁年方十  
八卽毀容礪節孀貧四十餘年卒



鄭氏生員孟樸妻夫歿年方十七無子以死自誓六十七歲卒有司表閭

王氏生員周嘉賓妻夫亡年方十九績紡自給親族罕見其面年七十餘卒有司表閭

沈氏高述妻夫卒年方二十三子幼誓不易志子又卒辛苦甘貧五十餘年而歿

周氏生員李軻妻軻母齊氏胡氏早歲孀居既而軻卒氏年方二十四一子彌歲苦志撫育事兩姑孝謹備至里稱一門三節屢經有司表閭

周氏生員黃洛妻夫歿年方二十五無子

喪明六十四歲卒有司表閭

汪氏黃燦妻夫歿年方二十遺一子守節四十餘年

卒有司表閭

李氏胡廷瑞妻夫卒年方二十四無子守志年七十而歿

彭氏劉養性妻夫卒年方十九願與偕亡顧其子甫

三月所視力勸乃起而鞠子子年十四度可自立

適其姑卒舅娶再醮婦強之拜氏掩面號泣日失



節之婦吾何忍見之遂閉戶雉經死

李氏生員張大信妻並妾邱氏其弟生員大教妻章

氏俱青年守節宮庶王公祖嫡作贊以表之

辛氏生員蔡人俊妻人俊病氏躬侍湯藥不暇餐沐

及俊卒乘夜自經屍側家人驚救移時張曰我

何用生爲言已絕粒至困楚姑持糜哺之強進少

許旋復不食如是者五十日躄踊哀號聲徹閭

路人爲之流涕竟以哭泣而死事聞建坊表

何氏監生王鳳徵妻金憲王孫媳簡氏

之女年二十無子而寡庶出子嗣祖方襁褓夫死

之日欲自盡或勸之爲庶子慮乃進粥餽訓育

祖克致成立撫按交題建坊旌表歲給廩米贍之

終身

何氏御史劉尙質繼室學憲何景明孫女事姑敬慎

循循有禮年十九而寡無出黃鵠矢歌聞範整肅

凜如也撫育前子永泰登賢書永豫食庠餼越三

十餘年卒節孝之聲無聞中外云

李氏適會壽年十九夫歿遺男映芳方二歲氏誓從



泉壤翁姑遺孤勸止之嗣是饑寒交迫侵侮併  
至氏備極拮据及公姑繼逝并有公之父貢生希  
堯遺殯兵荒之際三壘叠舉前後成禮觀者驚嘆  
口授映芳經書有聲膠序事聞按臺給匾旌褒  
張氏遼庠生李呈秀爲繼室撫前子振倫如已出及  
生子匡倫甫十月秀卒氏年二十餘矢志撫孤日  
勤女紅教育二子側室張氏無出感其苦節誓與  
俱守崇禎癸酉賊破南關張氏自縊死辛巳城陷  
氏亦被難一門雙節至今稱之

張氏本農家女諸生湯文灼妻文灼病篤氏以  
之夫死氏盡以衣飾分給中外公姑母氏爭勸  
之不聽越七日縊夫柩前年甫二十餘

王民生員胡翼子之母夫亡時氏年二十翼子纔四  
歲內營衣食外持門戶艱苦備嘗翼子就外傳訓  
課甚嚴稍不率則號泣曰不如早從亡人于地下  
矣翼子學成有聲氏年六十餘卒冰蘖之操歷數  
十年如一日

柯氏遼州牧李呈章之元配高氏其側室也同夫之



任遭流寇猖獗自度難支呈章與二氏訣曰我有  
管守宜與社稷爲存亡汝輩各携子歸里爲宗祧  
計無以我爲慮二氏泣下曰君死社稷忠也獨不  
聞婦有殉夫之義乎願生死無相離也章是其言  
但慮倉皇求死不獲其若身名何二氏哭別就道  
家居一載公遇難信至二氏躄踊哀泣相向投繯  
諸女戚解救而婉勸曰汝忘夫遺歸之意乎欲各  
保其子也若憤不顧子不亦重傷泉下之心乎遂  
勉進水漿艱辛教子 數年信陽城陷二氏據出

大慟曰避遼州之難而強生蓋爲子也今子可自  
立正我兩人見夫之時矣携手墜城而死于三嶽  
倫察倫柯出輔倫高出能讀父書

李氏明經李察倫之女年十七適石儀鳳春元石元  
聲之子也城陷氏公遇難父家業灰燼紡績供夫  
讀書二載而夫游洋歷三年而夫故氏年廿二號  
天搶地以死自誓姑爲泣勸曰我不幸兒亡倚媳  
爲兒也爾忘姑之西山暮景乎母亦泣勸曰汝父  
無兒賴汝送終也汝忘父之悲同伯道乎且忘夫



柩之未厝乎氏憬然有悟乃勉進粥饘殫刀營葬侍奉孀姑贍養父母賴叔父佐其不逮凡生事死葬之禮靡有闕遺氏艱辛六十三年內外無間言州牧學憲給匾旌闕宗伯何公爲之立傳

張氏拔貢張宰長女年二十歸生員孫楫越三載夫病篤醫藥罔效割股禱救竟莫之起氏枕尸嘔血絕粒者數日父母解慰曰汝有娠矣寧忍夫爲若教氏乎因稍進七粥以緩須臾未幾生女氏仰天大呼曰已矣吾望絕矣可從夫於地下矣父母

見氏號泣幾絕復哭勸曰汝念遺腹而強生猶不念老親而遽棄于心安乎何不歸依父母撫育此女以俟其長成也氏泣而歸及女長適武舉金國祥爲室氏以苦節壽終闔學具呈公請題旌

胡氏生員王士禎士弼之母當流寇陷沒州城氏夫縋城傷足寸步維艱且賊尾其後氏盡出所攜衣飾僱難民負逃脫夫難於危急之際閱數年而夫故氏年未三十時舅姑垂老兩子俱在冲齡兼值荒歉之年氏忍死支持饑寒備歷生事死葬婦道



克全教子業儒和熊助學荼苦三十餘載二子二  
孫成列膠序節孝並篤允協輿評道州給匾旌閭  
年六十七卒

謝氏左氏皆貢生蔡屏周兩媳也謝年十六歸蔡之  
三子生員蔡崑生一女甫二齡夫故氏年二十二  
絕粒誓死其姑泣勸曰汝夫止此一點血汝死女  
安生乎抱女持糜勸之進食氏噉噎勉從後女長  
成適戴生二子女亦寡攜子歸謝母女雙鬢鬢髮  
相守既而山居遭火延及夫柩氏覆柩哀號願

俱焚火忽反風自滅左年亦十六歸蔡之四子  
疑生一子周歲夫卒氏年十九一慟幾絕抱遺孤  
誓夫柩前矢志與妯婦謝氏同守姑病二氏焚香  
籲天各願減筭以益姑姑隨愈得享壽考人稱兩  
媳節孝所感疑子名淑尼讀書入泮

李氏生員鄭端之母年二十八夫故家業貧寒上有  
七旬公姑下遺三歲孤子氏力供菽水事二人甚  
謹及公姑捐舍拮据營葬克盡其禮端就外傳以  
紡績供膏火卒成佳士名列膠庠兼撫兩孤姪成



立完婚猶如已出屢經道州給匾旌閭年八十四  
歲卒

胡氏劉蓀芳元配侍御胡公秉性孫女氏通文墨熟  
習列女傳辛巳賊陷信陽子穢甫十歲氏携手率  
僕婢逃難以賊衆擁街巷不得出乃語一老僕曰  
事急矣子母度不能兩全以子屬老僕他遁遂自  
盡子獲免卓識烈行蓋久而彌光云

高氏已故庠生李翼倫妻奉事孀姑孝敬備至辛巳  
罹城陷之變氏有女三人少長俱未婚母女無

逃生同投井中死節母烈女出于一門里人哀之

國朝

曹氏年二十適李金蘭父家夫家俱業農貧民踰三  
載生一子甫二齡夫患瘰癧氏紡績佐藥餌竟弗  
起氏年二十四絕粒誓不欲生氏父隣媪共指遺  
孤諭以承先啓後之大義氏勉進湯水竭力營葢  
家寒徹骨衣食俱取辦於針黹越明年子陡以瘋  
殤氏撫膺慟哭頻呼絕望兩字氏父將兒出瘞氏  
以留守一夜給之屈三鼓氏自經於兒側矣氏生



非詩禮之家長無節義之訓矢志從一視死如歸  
紀之以闡貞德

司氏繇祖長女廩生劉彥芳子庠生劉祀之妻年十  
六于歸十九夫故哀慟踰節兩日喪明里人咸義  
重之後歸養父家守節三十九載至五十有九卒  
陳氏兵憲巡道陳公聯璧女生員危山斗妻年二十  
七山斗卒號泣終日不食水漿殮棺後自縊幾絕  
祖姑排闥救之時翁姑俱耄長子琦甫六歲次子  
瑜甫三歲三子琮尚在妊翁姑泣諭曰翁老子幼

徒死奚裨陳遂以養老撫孤自任後翁以病

魔症亂命他適陳曰翁忘前日訓乎栢舟之操

堅翁病篤湯藥親嘗奉侍惟謹既而翁歿姑亦相

繼云亡喪葬盡禮教三子成立先後入泮苦節四

十餘年而終雍正十一年建坊崇祀

以上舊志

尹氏生員尹相湯女危山斗次男生員瑜妻年二十

八瑜卒誓以身殉姑陳氏曰我昔欲殉爾翁舅姑

責以養老撫孤遂不敢死爾盍效我乎尹如所命

克盡孝慈後姑歿拮据喪葬既而子拱辰亦死携



幼孫晰晔依侄映辰度日年七十六歲卒雍正十一年請 旌典姑同坊崇祀

劉氏劉玘女年十九適庠生袁恂生子履中甫五歲時方懷妊而悌卒氏絕粒不食願以身殉姑婉言勸止未幾生遺腹次子履端乳名曰守以見志焉家本赤貧紡績度日奉姑至孝養葬盡禮撫育兩子有義方之訓苦節五十三載卒雍正十二年事

聞建坊崇祀 有傳

席氏肆筵女生員高仁妻仁故氏年二旬有五翁姑

一喪子甫三月誓不改志竭力事祖父母撫子成

人守節三十九載而歿雍正十二年建坊崇祀

葉氏生員葉莊女年十八適生員張瑄事翁姑至孝

五載昭故之嗣氏三日不食姑命以夫侄承繼始

進水漿撫養教訓不啻己出守節六十五載而歿

乾隆三年建坊崇祀

陳氏吏員陳洪範之女劉洛源妻夫故時年十九事

姑以孝撫子以慈苦節三十三載而卒乾隆三年

建坊崇祀



饒氏饒鐸女年十八歸生員張有庠庠病篤氏禱神願以身代庠故哀毀絕食翁姑婉勸之遂以子職自任生養死葬竭誠盡禮衰年釀獨茶苦終身乾隆五年建坊崇祀

胡氏郁文女適張有謨謨故氏年二十四與饒氏為妯娌同凜水操各以節終乾隆五年並建坊崇祀李氏生員李延申次男李吉妻年十七適吉生子備甫七月吉故時年十九矢志從一撫育遺息教以義方年六十卒學憲給匾旌閭

余質妻生員余希孔之女年二十有四夫故節孝奉老姑教子入泮八十四歲卒州守表闈杜氏吏員王靖妻靖故氏年二十五遺二男長二歲次月餘氏身任紡績撫子承家守節四十四年卒任氏年二十二適生員鍾百川未四載夫故乏嗣別門無可繼立義不欲生因家貧不能具葬晨夕紡績積微資卜吉葬夫棺出即絕粒不食七日而卒陳氏周其煥妻陳尙貴女年二十二夫故遺一子各勉氏欲殉夫翁姑指藐孤以勸乃不死孝養尊闈



喪葬以禮後勛入太學年三十病故氏痛夫失嗣  
七日不食卒

蔡氏福建衛千總王榮妻康熙八年隨夫移駐信陽  
生子鸞僅一週榮故祇節撫孤晝夜以教後鸞入  
泮食餼登歲薦皆氏義方遺澤苦節六十三載年  
九十卒

陳氏年十九適王濟民為妻越十二載濟民卒遺四  
子俱未成立氏備歷辛苦以撫孤幼稍長延師訓  
課子弼孫睿俱入庠守節六十五年至九十五歲

楊

老幼矢志不移壽至八十

陳

生員李貞遠妻氏年十九夫亡

任

嗣愛如已出善事翁姑人以孝稱

四十餘歲乾隆三年建坊旌表

王氏貢生王銓女劉廷秀妻年二十三秀故無子

誓不他適孝養翁姑克盡婦職守節三十餘年

隆三年建坊表闕



葉氏生員葉振琦女適郭象儀年二十有二夫無嗣誓欲殉夫姑與母泣勸乃不死立侄以續夫祀貞操歷三十餘載乾隆三年建坊旌表

黃氏黃道女適周文爽七載爽故矢志守貞奉六旬孀姑撫三齡弱息苦節四十二年孝慈並著乾隆三年建坊旌表

蕭氏生員蕭定漢女適儒童蔡淑程一載程故氏事孀姑苗氏左右就養立侄爲嗣教訓成立家遭回祿氏伏護夫棺風迴火滅咸以爲貞節之感迄今

昔以養舅姑旣而姑逝舅娶繼姑蔡氏生子伸尙幼舅又逝氏哀毀骨立祭塋盡禮尤善事繼姑毫無間言命子纘曾與夫弟仲同學攻書嘗於寒燈紡績之餘揮淚以教曰吾姑媳二人孀居惟期汝叔姪發憤無墜劉姓科第蜚聲也無何纘曾故遺二孫俱幼相依爲命苦節四十二年而卒

張氏貢生張正巳女年十七歸生員周時遇克執婦道大病篤祝天泣禱願以身代及亡哭泣哀慟水漿不入誓必死其姑陳氏百方勸慰始進飲食然



口哀慟成疾尤勉事翁姑朝夕罔懈歿後衾棺窆  
空之事皆氏備辦子伯祿稍長挑燈課讀稍懈卽  
搥淚斥之及伯祿入太學忽一日氏沐浴更衣焚  
香拜祖辭家人謂伯祿曰爾父去世吾年二十五  
今又歷二十五載爾今成立宗祀有賴可以報  
父於地下矣言訖臥床瞑目而逝人皆驚異  
劉興旺女年十六造張銅彈父家夫家俱佃農  
一載夫故號泣絕粒誓以身殉翁姑泣慰之  
三日竟自縊柩旁氏以青年內則未

能曉大義視死如歸此閨門正氣也紀之以維世  
風

楊氏劉卜世妻原籍湖廣寄居于州劉甫周求姦不  
從投繯畢命事聞旌表

郭氏貢生郭琛女適生員曾肯獲夫歿氏年二十誓  
以死殉姑嫂防護甚密因營葬夫柩柩甫出氏于  
寢所以被蒙首用縊扼喉而絕顏色如生夫兄生  
員肯堂以次子衍椿承祀學憲府憲州牧共旌之  
符氏胡祺妻祺故志在殉夫營葬後拜別姑與母欲



自盡因防護甚密不得聞遂謬為安居狀密于床第投繯而死有司以節烈旌其閭

劉氏生員劉英哲女適儒童蔡日恭甫四載夫故無嗣營葬後自縊死道憲李公嘉其貞烈撰文勒石以垂不朽

余氏州人余俊女歸吳必政結褵九載必政故氏年二十五時翁早喪事姑孝謹姑病九載氏奉湯藥如一日姑亡哭踊盡哀喪祭靡不盡力遺二子長筠次鎔俱幼擇師從學考課惟嚴鎔入泮筠早

妻葉氏矢志守節事姑余氏能得歡心三嗣以翁宗伯為繼人太學未幾姑亡弟鎔並嗣子夫婦相繼俱歿葉氏哀痛不已幸遺孫昶方四月氏撫育成立余氏苦節四十八年葉氏守節四十年一門雙貞後先媲美而葉氏零丁孤苦晚節益勵至其周恤姻婭和睦妯娌尤為鄉黨稱頌云

羅氏生員黃琯次子色映妻也年二十七夫歿乏嗣悲泣投繯幸家人救之時姑丁氏年七十嫂嚴氏亦孀居共相勸解氏泣悟立生員色灼之子鑑為



信陽州志 卷之九  
繼氏與嫂日事紡績以養姑丁氏病篤醫治二載  
罔效氏忍痛割肉以進竟愈姑死之日嚙簪珥以  
營喪葬兼盡子職未幾嗣子亦故氏艱苦備嘗益  
勵貞操年六十有五孀居三十八載節孝兩全鄉  
里奇之

井氏柴蕪奇妻年二十二夫故家赤貧父勸他適氏  
怒永不歸寧戚黨有言及此者面詈之立夫弟負  
奇子爲嗣守節二十九年有司表之

張氏貢生張治女歸生員胡暎年二十有三暎故家  
貧氏甘淡泊勤紡績以事孀姑撫孤子守節五  
一載年七十有四有司給匾以旌

周氏曾廷佐妻年二十有六佐故長子甫三齡次子  
尙在妊氏誓以身殉翁姑泣勸乃止苦志守節克  
孝克慈今八旬有奇州守表閭

薛氏吏員彭九乾妻生子甫二齡夫故氏年二十守  
志完貞教子成立今年六十有三有司表閭

楊氏忠烈楊公鏈之曾孫女適生員潘性恒未數載  
恒卒遺一子氏年二十八守志撫孤旣而子又歿



僅存幼孫育之成立苦節乳乳迄于白首有司旌表

周氏常玉女適生員曹五尊夫故氏年二十有六遺子二長本初四歲次復初二歲氏矢志靡他養老撫孤守節三十四載學憲旌表

曹氏周繇祖長男庠生蕤毅妻適毅四載生子瞿怡俱幼毅故氏青年守志至六十有五卒楊氏繇祖次男庠生蕤木妻夫因痛兄成癱疾翁年七十有三亦染瘋症氏侍疾維謹既而夫故乏嗣誓持

節立侄瞿以承宗祀瞿入府庠復以病故遺妻

氏年二十七冰玉白矢一如其姑學憲以中閫三賢旌之

陳氏吏員蕭芬妻年二十三夫故守節迄今三十四年學憲有司表蜀

任氏貢生任先覺孫女生員任聲女年十八歸廩生王重九載夫故姑老垂白二子俱幼仰事俯畜竭力持家後姑卒喪葬盡禮爲長男擇配左氏八年而長男歿遺媳又寡氏備歷多艱以婦代子以母



代父苦志四十一年今六十八歲次男日新入太學

程氏黃法憲妻憲故氏年二十九翁姑老子幼家甚貧砥志守貞養老撫幼勤苦四十餘年鄉里敬之

危氏生員危映辰女適儒童張士未三載士故氏年二十家貧甚上有孀姑下遺孤兒氏備歷艱苦

奉姑教子至今三十餘年子積厚入泮

李氏呈章會孫女適楊恬生一女甫二齡恬病故年方二十二誓欲殉夫嫂李氏密防不得遂至百

日治肴饌拜夫靈夜深自縊面色如生學憲表其

閭

周氏周文美女余珮妻夫故年二十四

殉夫伯姑勸止之撫夫堂兄生員余琬欠子以續

夫後歷今守節三十三年

方氏世職方一虎女年十五庠生李程為子天卷

娶甫三載夫故無嗣遺一女亦殤時翁姑俱患癩

症氏晨昏侍奉十餘年翁姑卒竭力營葬盡誠

禮人稱其節孝雙全撫嗣子緒延天祀



曾氏父國侯許聘儒童朱姚濬未婚濬故時年十  
 氏聞訃引刀刺面誓不他適遂往執婦喪禮翁故  
 後家業蕩然氏採茶樵薪以奉老姑貞範孝行白  
 首彌彰乾隆五年建坊旌表

劉氏庠生劉長發女貢生陳疇子亮節妻年十六不  
 歸未及一載亮節歿越月生遺腹女氏以子嗣之  
 望欲投繯自經姑楊氏泣勸乃止躬勤紡績奉養  
 翁姑翁姑卒衣衾棺槨皆出其手苦節五十餘年  
 宗黨稱之

氏天增生年二十五歲夫故懷妊未育  
 人爭析其產氏即依父母踰月生子名學撫養成  
 人退回分產大興家業皆氏苦節操持之力人稱  
 為巾幗中丈夫云

何氏建極女年十七歲適余象賢歷五載夫故氏剪  
 髮毀容冰霜自勵孝事翁姑持家勤儉癸亥年姑  
 大病氏割股以進姑病旋愈族黨稱賢今已五十  
 二歲苦節三十一年

張氏余仁之妻年十八于歸四載而夫歿姑唐氏年



老于坤方二歲氏堅志矢貞孝慈兼篤不幸其及  
其人又以疾亡合族議立孫余大義為其嗣以  
承禮祀氏守節四十二年卒六十四歲

王氏慶先女王治妻年二十三夫故遺二男長樂天  
甫四歲氏盡孝養  
盡禮教子  
司給匾旌

王氏王克讓女年二十夫故遺一子克勤克儉  
氏事姑下撫嗣子克勤克儉  
義方之教云

陳氏生員陳力女監生柴建隆妻也建隆故年二十  
九遺子齊躬親紡績午夜教讀齊入太學作守母  
訓氏益厲節操鄰里賢之

陳氏王翼妻家赤貧翼傭工為生歿之日氏年二十  
六上有孀姑余氏年五十餘遺子國良甫三歲零  
丁孤苦躬親操作以養姑未幾其伯兄某欲奪其  
志氏泣曰婦人從一而終義也若云再醮有死而  
已矣不從命及逼甚即自縊得姑救甦自是人不



敢犯今國良年四十三歲尙未定婚母子相依  
有茅廬一間衣不蔽體或日得一餐或竟不舉火  
乃苦節自貞始終不渝歷今四十二年現年六十  
八歲

余氏生員余琰女年十六適潘俊結褵十二載夫故  
誓以身殉或勸之則曰吾夫已死何以生爲得從  
夫地下吾事畢矣竟自縊幾絕其姑救甦慰之曰  
爾有子性繩可以相依爾死其誰撫之氏語從姑  
命撫子成立以紡績餘貲爲子援例入太學守節

五十三年壽八十

余氏生員余伸女曾任妻也年十五于歸宜室宜家  
閤族稱羨夫歿矢志守節善事舅姑遺子孔授甫  
五歲遣從師愛而能勞家貧仰事俯育之資皆出  
十指餘守節五十五載今壽七十八

李氏生員潘宗洙子鼎謙妻年三十歲夫故家貧矢  
志不遘教子珣讀書食廩餼守節三十五載

閩李氏鄉民李祥之女年十八歸閩恒心爲妻躬親  
紡績佐夫夜讀恒心得列名庠序閱八載恒心故



時氏年二十五歲哀毀骨立不至滅性曰上有翁姑下有二子皆未亡人責也凡事先意承志務得翁姑歡使不知有喪子之痛翁姑亡以媳代子葬祭之禮必誠必慎教二子有陶孟遺風長子章以夜讀致疾氏嘆曰一領青衿吾福薄亦不能得之于子乎厥後章先亡氏感泣成疾年六十一而卒次子登以敦朴著聲於閭里間

楊全氏鄉民全選之女年十七歸楊士傑舉案齊眉與孟光媲美尤能佐夫勤讀士傑得早歲遊泮

七載而士傑亡時氏年二十三歲伊母全羅氏居婦也慰之曰子早寡無子所以未從汝父於下者爲汝在也今汝不幸亦寡然翁姑在堂幼子襁褓承先啟後皆汝責矣氏奉命唯謹事翁姑以孝聞撫幼子成立里黨言苦節者咸推全氏而伊母羅氏之教亦並彰云

全羅氏適全選全李氏適全聲選聲胞兄弟也李氏年十九聲亡羅氏年二十三選亦亡俱無子族中又乏昭穆相當之人可以承繼兩寡無依甘心苦



節羅氏以夫喪過哀失明李氏事之如姑終身罔懈羅氏年七十有二卒李氏年七十有四卒用合志之以表苦節

蘇東候妻楊氏家本望族年十八適蘇奉舅姑唯謹相夫子以順閨六載而蘇亡楊一慟幾殞以舅姑在不敢死且亡人所遺二子俱在襁褓中氏上寒舅姑生事死葬悉以禮下撫藐孤至於成立長子身列膠庠氏享年七十餘承先啟後雖大家

過矣

蕭余氏庠生蕭芄之妻結褵六載生子二長武得余氏不死後二載芄亦亡余與李遂稱雙寡焉時老姑在堂二子幼弱仰事俯畜同心協力姑享大年終子亦相繼遊泮蕭之家業家聲賴以不墜里族羨其冰玉雙清因公呈請旌云

齊李氏齊蕭氏妯娌也生於名門均嫻婦道李氏適齊秉仁三載而寡蕭氏適齊天眷二載而寡嘆曰



吾姑生三子相繼亡其二姑老弟幼我二人又無子息何門祚衰薄至此極耶顧姑痛不可增夫祀不可絕擇族中昭穆相當者各立一子朝夕承歡以慰姑於暮年至祖遺田產弗與夫弟計多寡也娣姒同心始終一節洵中樞中之雙玉云

胡蔡氏貢生蔡襄之女年十四歸監生胡其永結褵八載生二子一女其永亡子女亦相繼而殤氏以翁姑在堂唯餘一媳子道之託誼不容辭乃朝奉侍就養無方及其沒也喪祭以禮胡族無不稱之予謀立孫有族孫胡大鵬甫三歲氏撫養之年十八娶堂姪蔡薰之女爲孫媳閱四載而大鵬又亡孫媳蔡亦守志不渝雖生人之痛於是爲極而再世苦節爲彌著云

葉王氏鄉民王中立之女年十八歸庠生葉爾盛五載爾盛故氏以少年早寡又無子以死自誓姑勸之曰吾不幸喪子忍復令吾之喪媳乎氏悟曰吾過矣姑媳二人更相爲命慷慨就死將置姑於何地乃立侄葉莫以繼夫祀其事姑也恪供子職色



養兼至姑病竭誠焚禱厥後姑享大年人咸以爲純孝所感

宮葉氏鄉民宮士良之妻葉長清之女也年十七於歸奉翁姑甚得歡心相夫子以順爲正生二子而士良故事老撫幼氏以一身任之厥後翁姑沒一子相繼而殤復繼任宮鞵爲嗣撫之成立今已見孫鄉鄰公舉其事使編戶貞徽有所表見焉

余江氏原籍四川隨伊祖之任因家於息申人余其望族也聞其賢爲幼子武基聘焉年十六而生子一佐夫勤讀武基得列名膠庠旣而武基亡子亦沒以侄余大來承祧氏義命自安守節三十餘年事繼姑尤以孝顯

張鄭氏州民張獻猷之妻庠生張溥之祖母也年七六獻猷病故翁姑在堂藐孤襁褓仰事俯畜氏一身任之嗜讀書頗明大義翁姑喜其能執婦道遂亦亡喪子之痛教子以義方戚克厥愛曰勿令孟母專美於前也苦守六十餘年獲見諸孫成立年九十一以壽終學憲鄒聞之旌其門榜曰壺範堪







